

1.

*ohne Datierung****Claus Fullingast verpfändet ein Stück Acker.***

fol. 1v Wisset das Claus Fullingast hat Hennel Schakan eyn stücke ackers gesaczt^{a)} daz da gelegin ist in den lehen und von uns czu lehen get von dem rate, vor 16 schock walhen groschen^{b)} und wenne her den acker wider losen will, so sal her^{c)} ym wider czu losen geben^{d)} vor dy vorbenanten 16 schok walhen groschen und.^{e)} Actum anno domini ut supra feria quinta post letare.

a-a) am linken Rand, Einfügestelle gekennzeichnet b) folgt durchgestrichen und vor 4 schock bemischer groschen, da von sal her dy lampe in dem capitel beluchte, von den selbin vier schocken c) folgt durchgestrichener Buchstabe n d) folgt durchgestrichen wid e) folgt durchgestrichen vor vier schok bemischer gr

2.

*1385 Februar 19****Der Rat der Stadt Zwickau erweist sich dem Panzermacher Kelhasen gegenüber erkenntlich für die der Stadt geleisteten Dienste.***

fol. 1v Wisset umb das sich der sarbart meyster¹⁾ Kelhasen czu uns gehaldin hat unde der stad an syme handwerg getruwe unde gewere sol sin, habe wir ym mit rat der eldsten dy gute getan, daz wir von der stad wegen unde unser nachkomen rete dry jare uff iczlich quateremper²⁾ wollin und sullin reichen 12 mysner gr. So sol er mit syme hantwerg der stad uff das rathus dinen unde ir gereit, das er getun mag lossin, ouch ab er wurde ein herberge hy by uns chowfen, dy sol er ame schosse fry habin dy obgnanten dry jar. Ouch ab er bynne der dryen jare^{a)} krank wurde, das er nicht gearbeite mochte adir ab er sich in den dryen jaren von der stad hilde, so sol es an dem rate ligen und sol erkennen, ab man ym icht tun sölle. Wenne denne dy dry jar us chomen, wes denne aber der rat unser nachkomen der stat czu fromen erkennen und czu rat werdin, das mugen sy thun und wir habin ym nu uff dise neste quateremper 12 gr gegeben. Actum anno domini MCCCLXXXV dominica invocavit circa magistrum consulum Johannem Frauenreud et suos considos.

a) über die Zeile geschrieben 1) Panzermacher 2) quattuor tempora = quatember.